

Kontuola

ANTZUOLA / Egubakoitza / 2002ko martxoaren 22a / 106. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com



AINTZANE IRIZAR

Guztira, hamasei etxebizitza egingo dituzte Sallabente eta Irutxeta dauden tokian.

Irutxeta eta Sallabenten etxebizitza berriak

AINTZANE IRIZAR

Irutxeta baserria eta Sallabentekoa bota, eta etxebizitza berriak egitea aurrez ikusi dute arau subsidiarioen dokumentu berrian. Herriko sarrerako gune horrek, hortaz, itxuraldaketa nabaria izango du urte batzuk barru. Guztira, 16 etxebizitza egingo dituzte.

Antzuolako Udalak onartu berri dituen arau subsidiario berrietan Irutxetan eta Sallabenten etxebizitzak egitea aurrez ikusi dute.

Horretarako, Irutxeta baserria botako dute, baita Sallabenteko etxebizitzak ere.

Irutxeta baserria bota, eta, hantxe bi etxe egiteko asmoa daukate. Eta etxe horietako bakoitzean bi etxebizitza egongo dira, ezker-eskuin.


Sallabente dagoen tokian, berriz, familia bakarreko hamabi etxebizitza egiteko asmoa dute.

Kontuan hartu behar da, hala ere, hamabi edo hamabost urterako ikuspegiarekin egiten direla arau subsidiarioak; hortaz, etxebizitza guztiok ez dira bere-

halakoan egingo. Irutxeta, baina, laster botako dutela espero dute, eta etxe berriak egiten hasi.


LOTUNE BERRIA

Etkezuri ondoan dagoen zubian ere hainbat aldaketa egitea jasotzen da arau subsidiarioetan, aurreko astean iragarri genuen moduan. Besteak beste, Matz-Erreka eta Elay enpresetarako lotunea egingo dute zubi horretatik. Sallabenten eta Irutxetan egingo dituzten etxebizitzetarako lotunea ere zubi horretatik bertatik egiteko asmoa dute.



Autobia egiteko lurzorua aztergai

Batek baino gehiagok ikusiko zituen, seguruenik, Diputazio-ko teknikoak zulaketak egiten Antzuolan. Egun hauetan, Aristi baserriaren parean dihardute. Beasain-Durango autobiarren proiektua osatzeko azterketa geoteknikoak egiten dihardute; izan ere, errepidea pasatuko den tokietan lurzorua zelan dagoen jakin nahi dute teknikoek. Oraingoan, Beasain eta Ormaiztegi arteko zatia bukatuta dago, eta Bergaran San Antonioko saihebidia egiten dihardute. Zumarraga eta Bergara artekoa, berriz, 2009. urterako egingo ei dute. /A.I.



**MUEBLES
IGEA**

Sukalderako eta
bainurako altzariak
Altzari rustikoetan
espezializatuak

Zurrategi plaza 4, behea. ANTZUOLA. Tel. eta faxa 943 78 71 80

Itzar

LIBURUDENDA
ESTANKOA

Kalebarren 1 ANTZUOLA
Tf. 943 76 60 62

KIROLA

Bihar, zapatua, hasiko da Pala Txapelketa

AINTZANE IRIZAR

Urtero moduan, herri mailako Paleta Txapelketa antolatu du Olalde pilota elkarteak. Bihar goizean (martxoak 23) jokatu dituzte txapelketako lehendabiziko partidua. 09:00etan hasita, bost partidu jokatu dituzte, eta arratsaldeko lauretan beste bat.

Hamabi bikotek eman dute izena herriko Paleta Txapelketan parte hartzeko. Ohi bezala, bi mailatan banatu dute txapelketa: lehen mailan sei bikotek hartuko dute parte eta bigarren mailan beste sei bikote arituko dira norgehiagokan.

Esan bezala, bihar, zapatua, goizean jokatu dituzte txapelketako lehen partidua; eta bihertik aurrera, zapaturo jokatu dituzte partidua: apirilaren 6an, 13an, 20an eta 27an, hain zuzen ere.

Bost egun horietan kanporaketak jokatu dituzte eta maila bakoitzeko lau bikote sailkatuko dira finalerdietarako. Maiatzaren 4an jokatu dituzte finaler-

diok. Bai lehen mailako eta bai bigarren mailako finalak, berriz, maiatzaren 11n jokatu dituzte, goizez.

HAMABI BIKOTE

Esan bezala, hamabi bikotek hartuko dute parte txapelketan, sei bikotek maila bakoitzean.

Lehen mailan honako bikoteek eman dute izena: Toledo eta Peñalba; Arana eta Garitano; Arbulu eta Zabalo; Manso eta Iturbe; Arratibel eta Iraola; eta Azkarate eta Jauregi. Bigarren mailan, berriz, honako bikoteak arituko dira: Peñalba eta Seguro; Alonso eta Vargas; Almena eta Acosta; Arregi eta Gezalaga; Azkarate eta Rodríguez; eta Biteri eta Biteri.

Hamabi bikotek hartuko dute parte Paleta Txapelketan, sei bikotek maila bakoitzean

PARTIDUAK

FUTBOLA

Martxoak 23

16:30: Antzuola-Orioko (Gazteak)

PILOTA

Martxoak 23 (Herriko pala txap.)

09:00etatik eta 16:00etatik aurrera

jokatu dituzte partidua

EMAITZAK

FUTBOLA

Zumaiako B 1 Antzuola 1 (2. erreg.)

Urki 1 Antzuola 0 (Neskak)

Amaiak Bat 7 Antzuola 2 (Gazteak)

Antzuola 2 Urnieta 6 (Kadeteak)

PILOTA

Udaberri Saria

Zurriola-Olalde (eskuz kad.) 7-22

Illunpe-Olalde (eskuz nag.) 18-22

Hernani-Olalde (paletaz) 32-35

Deba Arroko txapelketa

Lagunak-Olalde (nagusiak) 22-6

ESKOLA KIROLA

Saskibaloiko alebinen sailkapena

Antzuola (neskak) 82 puntu

Antzuola A (mutilak) 6 puntu

Antzuola B (mutilak) 18 puntu

Olalde elkarteak pilotariak fin ari dira Udaberri Sarian

Joan den asteburuan, Olalde elkarteak maila guztietako partidua irabazi zituen Gipuzkoako Udaberri Sarian.

Kadete mailakoak 7-22 nagusitu ziren Zurriolako pilotarien aurka. Palako nagusien mailan ere Olalde nagusitu zen, Hernanin aurka, 32-35. Eta azkenik, buruz buru 18-22 irabazi zuten nagusiek Illunperen aurka jokatu zuten finalerdia.

Nesken futbol taldea Kopa txapelketa jokatzeko hasi da

Joan den domekan jokatu zuen Kopako lehen partidua nesken taldeak. 1-0 galdu arren, partidua ona jokatu zuten, eta hiruzpalau gol aukera izan zituzten.

Iazko denboraldian sortu zuten taldea. 2000-2001 denboraldian, emaitza eskasak lortu zituzten. Aurten, denboraldi hobea egiten ari dira. Iaz, 20 partidutik bakarria irabazi eta bi besterik ez zuten berdindu. Aurten, berriz, 22tik bost irabazi dituzte, eta zortzi berdinketa lortu dituzte.

ATREBENTZIAEZPADA/ Umiendako jangelia jartzia zela ikusten dozu?



IÑAKI NARBAIZA
25 urte

Nik ez daukat umerik, baiña ondo etorriko litzake. Gero eta gehiago, gurasuek, bixek, egiten dabe lan, eta laguntasuna izango litzake.



PIEDAD ITURBE
42 urte

Nik uste dot biharrezkua dala; ume asko dare, base-rikuak diralako edo gurasuak lanian darelako, ondo etorriko jakue-nak jangelia jartzia.



SANTIAGO POZO
35 urte

Antzuola herri txikixa da, eta zailla ikusten dot, baiña ondo pentsatzen jat jangelia jartzia. Zenbat eta zerbitzu gehiago euki, orduan eta hobeto.



JOAQUINA CASTRO
33 urte

Oso ondo ikusten dot. Uste dot biharrezkua dala. Batez be, lan egiten daben gurasuei oso ondo etorriko jakue umiak jangelara bialtzeko aukeria.



ANASTASI GABILONDO
60 urte

Premiñia daukenendako oso ondo etorriko litzakeela uste dot. Badare 20 ume baiña gehiago jungo lirakienak, jangelia jartzekotan.

Juan Cruz
ARGAZKIAK

Herriko plaza 4. Tel. 943 78 70 66. ANTZUOLA

ANTZUOLA
Apainketak eta isolamenduak
Pladurrezko dibisioak

Kalegoi 21 ANTZUOLA
676 997 400
Biltegia: 943 78 70 40

AITZ-GARBI
taberna
jatetxea

Pintxoak eta kazuelatxoak.
Bazkariak eta afariak

Kalebarren 15. Tf. 943 78 70 51
ANTZUOLA

GoRoSTi
Taberna

943 76 62 96
Zurategi plaza
ANTZUOLA